

Headline	PENTAS KREATIF & STAILO HTM SHAH ALAM		
MediaTitle	Nona		
Date	04 Apr 2014	Color	Full Color
Section	NEWS	Circulation	80,000
Page No	345	Readership	160,000
Language	Malay	ArticleSize	628 cm ²
Journalist	N/A	AdValue	RM 4,551
Frequency	Monthly	PR Value	RM 13,652



PENTAS KREATIF & STAILO UTM SHAH ALAM



A. Afiq Baharudin
 B. Akmal Afiq Farhan
 C. Afizah Jalil
 D. Safira Syukri
 E. Shazni Fitri
 F. Wan Aizat
 G. Dari kiri pemenang Anugerah Gangsa - Fatimah Hasim, Anugerah Emas - Akmal Afiq Farhan, dan Anugerah Perak - Safira Syukri

Menyaksikan persembahan fesyen para pelajar tahun akhir jurusan Ijazah Sarjana Muda Seni Reka Fesyen, Universiti Teknologi Mara bagaikan melihat satu dimensi baru yang bakal membawa sinar kesinambungan dunia fesyen tempatan. Setiap satu daripada rekaan masing-masing cukup segar dengan garapan idea yang mewakili tema tersendiri. Petang itu menyaksikan seramai 27 pelajar mempersembahkan empat rekaan setiap satu. Setiap rekaan ternyata berjaya memukau seluruh hadirin dengan kekuatan yang tersendiri dan tidak seorang pun yang mengecewakan.

Anugerah emas telah berjaya dijuarai oleh Akmal Afiq Farhan yang menonjolkan teknik 'digital print' dengan tema Mandala. Saat beliau mempersembahkan rekaannya, penulis sudah meneka bahawa beliau akan mendapat tempat dalam kelompok tiga teratas dan ternyata sangkaan ini tidak meleset. Apa yang dipersembahkannya cukup bersahaja dengan gaya ala *street wear* namun punya nilai estetik yang

tinggi. Anugerah perak pula dimenangi gadis berbakat, Nur Safira Syukri dengan temanya 'Wacky Piaggi'. Gaya rekaan eksentrik dan eksperimental di dalam koleksinya nyata memberikan persembahan 'out of the box'. Garapan moden dengan rona merah dan hitam memonopoli seluruh gaya rekaannya. Penulis cukup tertarik dengan cara beliau menata gaya bagi setiap model. Tempat ketiga pula disandang oleh Siti Fatimah Hasim yang mereka gaya lelaki secara keseluruhan. Tema *Chaotic Reborn* yang dilunaskan jelas memberikan satu gaya trend baru kepada dunia fesyen lelaki.

Selain dari tiga pemenang utama ini, empat lagi pelajar telah diangkat untuk berada di dalam kelompok tujuh peserta terbaik. Mereka adalah Shazni Fitri Harun, Afizah Jalil, Nurul Husna Saharim dan Wan Aizat Ghani yang turut memenangi anugerah pilihan *Bumiputera Designers Association (BDA)*. ■ - FIEZREEN AHMAD